

Fundur stýrihóps fagráðs um símenntun og starfsþróun kennara, 2. febrúar kl. 9-10.30

Mættir

Sigurjón Mýrdal, Aðalheiður Steingrímisdóttir, Gunnar Gíslason (í síma), Jón Torfi Jónasson, Svanhildur M. Ólafsdóttir og Sólrún Harðardóttir. Ársæll boðaði forföll.

Fundarstaður

Mennta- og menningarmálaráðuneytið.

Umræðuefni

- Rammi um stefnumótun
- Starfs- og fjárhagsáætlun
- Önnur mál

Rammi um stefnumótun

Drög, sem lögð voru fyrir fundinn, mæltust vel fyrir og var ákveðið að vinna áfram með þennan grunn, þó reikna megi með breytingum, viðbótum og ólíkum sjónarmiðum eftir því sem vinnunni vindur fram.

Í samhengi við rammann var vikið að eftirfarandi atriðum:

Mikilvægi þess að leggja áherslu á daglegt starf kennara og praktík þegar kemur að starfsþróun.

Minnt var á ýmis afmörkuð verkefni og atriði sem eru ekki inni í þessum ramma en eru þó í umræðu fagráðsins og á starfsáætlun.

Fjalla þarf um „stórar spurningar“ og ramminn verður að rúma þær. Vill fagráðið t.d. endurbæta núverandi kerfi, eða þarf að bylta því? Hvernig væri best að standa að starfsþróun fjárhagslega?

Áður var skóli breytingarafl í þjóðfélaginu og um hann skapaðist sterk sameiginleg sýn. Nú einkennist umræða um skólakerfið meira af hagsmunagæslu.

Rætt var um verklag við áframhaldandi vinnu með rammann. Þeirri vinnu þarf að stýra en ýmsir geta komið að því að fylla inn í einstaka hluta rammans. Stýrihópur myndi ritstjórn en Sólrún heldur utan um hið sameiginlega skjal.

Starfs- og fjárhagsáætlun

Farið var yfir starfs- og fjárhagsáætlun og ýmis atriði rædd.

Lagt var til að upplýsingaveita yrði formlega opnuð á næsta fagráðsfundi.

Varðandi opna fundi var rætt um að líklega ætti fundur um upplýsingatækni og starfsþróun kennara vel heima í haust og á þeim fundi mætti fjalla um form starfsþróunar almennt. Í framhaldi af því að aðilar fagráðsins svara spurningum um hlutverk, ábyrgð og skyldur væri æskilegt að halda sameiginlegan opinn fund þar sem fjallað yrði um málið. Æskilegt væri að

við fylgdumst með og styddum við fundahöld á vegum annarra aðila sem efnislega tengjast starfsþróun kennara. Þetta gætu t.d. verið kennarafélög, Menntamálastofnun, sveitarfélög, háskólar og svo framvegis.

Um verkefnið sem snýr að starfsþróun í öðrum löndum var ákveðið að byrja að safna saman upplýsingum og þannig mynda eins konar grunnskjal sem síðan mætti vinna úr. Sigurjón, Jón Torfi og Aðalheiður frá Kennarasambandinu eru tilbúin að hefja þessa vinnu.

Kennarasamband Íslands er tilbúið til að taka að sér að lista hvernig starfsþróun og símenntun birtist í kjarasamningum og lögum.

Varðandi stuðning við nýliða og starfendarannsóknir var rætt um að leita til sérfræðinga innan háskólanna um að fá upplýsingar og nokkra yfirsýn á viðfangsefnið án þess að það sé ýtarleg úttekt.

Aðalheiður lagði til að settur yrði á fót sérstakur vinnuhópur um kennaramenntun (grunn- og frh.menntun) í samhengi við starfsþróun. Til skoðunar væru kennarar og menntun þeirra á mismunandi stigi (grunn nám – vettvangsnám – fræðsla og stuðningur í starfi (nýliðar og reyndir kennarar)).

Sólrúnu var falið að lista upp þau verkefni sem munu kosta og senda stýrihópi til skoðunar.

Önnur mál

Rætt var um spurningar til hagsmunaaðila varðandi hlutverk, skyldur og ábyrgð og hversu opnar og formlegar spurningarnar ættu að vera. Sólrún stefnir á að senda þessar spurningar út í vikunni.

Vinnuhópur um þarfir fyrir símenntun, TALIS o.fl. hefur ekki verið formlega stofnaður en vonast er til að hann geti hafið störf sem fyrst en von er á tilnefningum sem upp á vantar á allra næstu dögum.

Edda Kjartansdóttir kemur nú inn í fagrað og stýrihóp en hún er varamaður Jóns Torfa Jónassonar sem er að fara í leyfi til Stanford í þrjá mánuði. Guðmundur Engilbertsson (HA) hafði lagt til að Edda tæki sæti í stýrihópi og studdi Kristín Valsdóttir (LhÍ) þá tillögu.

Rætt var um tímasetningu næsta fundar en tíminn sem stungið var upp á reyndist því miður ekki ganga og er hann því ekki tíundaður hér.

Lagt var til að setja niður dagskrá fagraðsfundar sem fyrst og senda út með formlegu fundarboði.

Sólrún Harðardóttir tók punkta